





# Акафист преподобной Александре Дивеевской

## Кондак 1

Избранная уго́днице Божия, преподо́бная ма́ти на́ша Алекса́ндро! Велича́юще просла́вльшаго тя Го́спода, воспева́ем ти похва́льная. Ты же имѐющи ве́лие дерзнове́ние ко Го́споду и Пречи́стей Его́ Ма́тери, от вся́ких искуше́ний и бед свобо́ди тебе́ вопи́ющих: Ра́дуйся, преподо́бная ма́ти Алекса́ндро, первонача́льнице оби́тели Дивеевския.

## Икос 1

А́нгелов вы́шшая Всеми́лостивая Влады́чица на́ша Пресвята́я Богоро́дица избра́ ты, Алекса́ндро чу́дная, я́ко рабу́ Свою́ и́стинную и воздви́же тя просла́вити И́мя Сы́на Своего́ в земли́, четвёртым уде́лом Ея́ нарече́нной. Мы же, ви́дяще Бо́жие о тебе́ благово́ление, со умиле́нием глаго́лем ти тако́вая:

Ра́дуйся, добродѣлание от ю́ности возлюбившая;  
ра́дуйся, блаже́нство ева́нгельское стяжавшая.

Ра́дуйся, в ско́рбех к тебе́ прибега́ющим  
поможе́ние;

ра́дуйся, в печа́лах ско́рое утеше́ние.

Ра́дуйся, дев диве́евских благоти́шное  
приста́нище;

Ра́дуйся, жена́м тихое прибе́жище.

Ра́дуйся, вместы́ище благода́ти Бо́жия;

Ра́дуйся, земли́ Ру́ския пресла́вное  
украше́ние.

Ра́дуйся, преподо́бная ма́ти Алексáндро,  
первонача́льнице оби́тели Диве́евския.

### **Кондак 2**

Ви́дяще избра́нничество твое́ в дивном о тебе́  
Бо́жии промы́слении, земна́го бо обру́чника  
лиши́вшись, и всю печа́ль на Го́спода  
возложи́вши, путь свой в Киев упра́вила еси́ и  
та́мо во оби́тели Фло́ровской под покрóвом  
Пресвяты́я Богоро́дицы Небе́сному Жениху́  
обручи́лася еси́, благода́рно взыва́ем Богу:  
Аллилу́иа.

### **Икос 2**

Ра́зум свы́ше при́имши сло́ва Бо́жия: «И́го бо  
Моё́ благо и брѐмя Моё́ легко́ есть», преподо́бная  
ма́ти, благо́е и́го Христо́во на себе́ подъя́ла еси́,  
бога́тство и сла́ву вре́менную презре́вши,  
вои́стину Бо́гу последовала еси́; те́мже и мы,

просла́вляюще Дивна́го во святы́х Свои́х,  
воспева́ем тебе́ си́це:

Ра́дуйся, свеще́, любви́ю Христо́вою  
горя́щая;

ра́дуйся, нищету́ Христо́ву возлюбив́шая.

Ра́дуйся, путе́м преподо́бных жен  
ше́ствовав́шая;

ра́дуйся, свя́тости и му́дрости духо́вныя  
испо́лненная.

Ра́дуйся, иере́ев ти́хая ра́досте;

ра́дуйся, мона́шествующих пра́вило.

Ра́дуйся, призыва́ющих тя в моли́твах  
защи́тнице;

ра́дуйся, о нас пред Бо́гом ходата́ице.

Ра́дуйся, преподо́бная ма́ти Алексáндро,  
первонача́льнице оби́тели Дивеевския.

### **Кондак 3**

Си́ла Вы́шняго вои́стину осени́ ты, егда́  
Небесе́ и земли́ Цари́ца яви́ся ти и повеле́ изы́ти  
из оби́тели Фло́ровския в зе́млю избра́нную  
Свою́, ю́же обеща́ указáти тебе́. И мы, слы́шаще  
о чу́дном повелéнии сем, поём Бо́гу: Аллилу́иа.

### **Икос 3**

Име́ющи тща́ние о по́двиге ино́ческаго  
равноа́нгельнаго жити́я, преподо́бная  
Алексáндро, я́ко и́стинный во́ин Христо́в на  
стра́жи се́рдца своего́ стоя́щи, не ве́ровала еси́

а́бие видѣ́нию сему́, а́ки прелѣ́стну могу́щу бы́ти, прише́дши же ко отце́м Пече́рским, вся сия пове́дала еси́ им. Усмотре́вше у́бо тии дивну́ю на тебе́ Бо́жию ми́лость, и Цари́цу Небе́сную́ я́ко я́зву бесово́м пропове́давшѣ, благослови́ша испол́нити вся повеле́нная ти, нас же научи́ша пе́ти тебе́ такова́я:

Ра́дуйся, я́ко яви́ся тебе́ Воево́да Взбра́нная;  
ра́дуйся, я́ко сподо́билася еси́ слы́шати повеле́ния Честне́йшия Херув́им.

Ра́дуйся, я́ко сла́вила еси́ Сла́внейшую без сравне́ния Сераф́им;

ра́дуйся, святи́ни чистое и честное́ жили́ще.

Ра́дуйся, по́двига стра́нничества не убо́явшася;

ра́дуйся, Небе́снаго Оте́чества пла́менне возжелѣ́вшая.

Ра́дуйся, добродѣ́телей вели́ких вмести́лице;

ра́дуйся, отцы́ Пече́рскими нарече́нная преблаже́нною.

Ра́дуйся, преподо́бная ма́ти Алексáндро, первонача́льнице оби́тели Дивеевския.

#### **Кондак 4**

Бу́рю помышлѣ́ний сумни́тельных утиша́ючи, твёрдую ве́ру и упова́ние на Бо́га возложивши, преподо́бная ма́ти, вся глаго́лы Цари́цы Небе́сных в се́рдце твоѣ́м сохрани́ла еси́. И оста́вивши оби́тель, иде́же помышля́ла еси́ до

конца́ дний своихъ подви́заться, во иное́ мѣсто востекла́ еси́. Мы же, шѣствию́ твоему́ раду́ющесея, поѣмъ Всеблагому́ Бо́гу: Аллилу́иа.

#### **Икос 4**

Слы́шащи о свѣтости житія́ иноковъ Саро́вскихъ, ма́ти Алекса́ндро, востече́ ко обители́ той. На пу́ти же, близъ хра́ма ве́си Дивѣевскія па́ки удосто́илася еси́ слы́шати пресла́дкий гласъ Преблагослове́нныя Богоро́дицы, указу́ющія на мѣсто сие́, Ею́ возлю́бленное. И обеща́ ти Пречи́стая умно́жити зде́ Го́споду Бо́гу служа́щихъ, тебе́ же ве́рою воспева́ющихъ такова́я:

Ра́дуйся, возлю́бленная Цари́цею Небе́сною;  
ра́дуйся, избра́нная в Христо́вы невесты́.

Ра́дуйся, прише́дшая в зе́млю обетова́нную;  
ра́дуйся, послу́шная во́ли Пречи́стыя.

Ра́дуйся, руце́ свои́ о насъ к Бо́гу простира́ющая;

ра́дуйся, ве́ру правосла́вную утвержда́ющая.

Ра́дуйся, свѣтости ревни́тельнице;

ра́дуйся, преподо́бныхъ радосте́.

Ра́дуйся, преподо́бная ма́ти Алекса́ндро, первонача́льнице обители́ Дивѣевскія.

#### **Кондак 5**

Боготе́чную звезду́ ви́дим тя, на Небеси́ сия́юще в со́нме свѣты́хъ, зе́млю Ру́сскую освеща́юще и на путьъ пра́вый насъ, во тьме́

грехо́вней заблү́ждших, направля́ющу, приводя́щу пѣти Творцу́ в Тро́ице: Аллилу́иа.

### **Икос 5**

Ви́дяще тя, ма́ти преподо́бная, к наста́вником обите́ли Са́ро́вския послуша́ния ра́ди прише́дшую и во́ли своея́ совлѣкшуюся, путе́м многотру́дным и ско́рбным шѣствую́щую, Ду́ха Свята́го дара́ми обогати́вшуюся, о́браз смиренному́дрия зрим и поём тебе́ си́це:

Ра́дуйся, все свое́ имѣние Обнища́вшему нас ра́ди Бо́гу преда́вшая;

ра́дуйся, в ве́лиих трудѣ́х жити́е провожда́вшая.

Ра́дуйся, в постѣ́ и моли́тве Бо́гу угожда́ющая;

ра́дуйся, в ми́лости твое́й не оскудева́ющая.

Ра́дуйся, хра́мы мно́гия устраи́ющая;

ра́дуйся, су́щим в ну́ждах помога́ющая.

Ра́дуйся, о ино́цех Са́ро́вских попече́ние и промышле́ние;

ра́дуйся, ни́щих и убо́гих наде́ждо и утеше́ние.

Ра́дуйся, преподо́бная ма́ти Алекса́ндро, первонача́льнице обите́ли Дивее́вския.

### **Кондак 6**

Пропове́дует жити́е твое́, ка́ко невозвратным желани́ем Христу́ последовала еси́, блаже́нная ма́ти Алекса́ндро: егда́ дщи твоя́ в ра́нних лѣ́тах

преста́вися, в сем Бóжие изволе́ние усмотрéвши, пéти научила еси́ нас и в ско́рби Творцу́ всех: Аллилу́иа.

### Икос 6

Возсия́ в тебе́ просвеще́ние и́стины, егда́ ра́зумом своим́ удивля́ла еси́ всех к тебе́ приходя́щих, крото́стию их на путь пра́вый наставля́ющи и и́стины ве́ры правосла́вныя разъя́сняющи, да вси у́зрят свет уче́ния Христо́ва; мы же с любо́вию взыва́ем ти:

Ра́дуйся, ма́ти Алекса́ндро, Бóгом науче́нная; ра́дуйся, да́ром рассу́ждения от Него́ почте́нная.

Ра́дуйся, в милосе́рдии святи́телю Никола́ю подо́бная;

ра́дуйся, в де́лах благи́х стезя́ми его́ шеству́ющая.

Ра́дуйся, немощны́м земледельце́м в по́ли хле́бы пожи́нающая;

Ра́дуйся, во вре́мя жа́твы младе́нцы посе́щающая.

Ра́дуйся, в де́лах жите́йских премудра́я управите́льнице;

ра́дуйся, тепло́м и любо́вию ду́ши согрева́ющая.

Ра́дуйся, преподо́бная ма́ти Алекса́ндро, первонача́льнице оби́тели Дивее́вския.

## Кондак 7

Хотящи положить начало устройению обители, преподобная мати, три келлии поставила еси: единую молитвы ради и уединения, иную сестрам, пришедшим Богу угождати, и третью странноприимну, да вси поют Единому Богу в Троице: Аллилуиа.

## Икос 7

Новаго храма во славу Преплагословенныя Богородицы строительница явилася еси, мати Александро, и от Казани список явленныя чудотворныя иконы Ея Казанския принесла еси, да прославится Имя Приснодевы Марии на месте сем, Ею возлюбленном, мы же благодарственно зовем ти:

Радуйся, обители Дивеевския твердое основание;

радуйся, яко тобою на милосердие Божие все наше упование.

Радуйся, в Киеве мочи преподобных Печерских испросившая;

радуйся, во обители Дивеевской яко благословение сия поставльшая.

Радуйся, в годину глады лютаго окрест живущих питавшая;

радуйся, молитвою твоєю нас от бед сохраняющая.

Ра́дуйся, крѳ́тая и му́драя в хра́ме Бо́жием  
распо́рядительнице;  
ра́дуйся, уста́ва церко́внаго усѳ́рдная  
хранительнице.

Ра́дуйся, преподо́бная ма́ти Алекса́ндро,  
первонача́льнице оби́тели Дивѳ́евския.

### **Кондак 8**

Стра́нное явле́ние ви́димо бы́сть, егда́ в но́щи  
колѳ́нопрекло́нѳ́нно Го́споду моли́лася еси́, да  
ука́жет во́лю Свою́ на освяще́ние приде́ла хра́ма  
Казанския ико́ны Бо́жия Ма́тере. Сего́ ра́ди  
явлен ти бы́сть незри́мою руко́ю образ  
первомученика и архи́диакона Стефа́на. И мы,  
почита́юще его́, воспева́ем Всеблагóму Бо́гу:  
Аллилу́иа.

### **Икос 8**

Всем се́рдцем своим, всею душо́ю и мы́слию  
Бо́га возлюбившая, ма́ти Алекса́ндро,  
первонача́льница непреста́нно моли́твы в  
Дивѳ́ееве явила́ся еси́ и, дар благода́тных слез  
стяжавши, прѳ́сно в трезвѳ́нии пребы́вала еси́.  
Мы же, ве́дуще духо́вныя по́двиги твоя́, глаго́лем  
таковая́:

Ра́дуйся, у ико́ны Бо́жия Ма́тере Живоно́сный  
Исто́чник слѳ́зы умилѳ́ния пролива́ющая;  
ра́дуйся, о заблуждших и скорбя́щих Бо́га  
умоля́ющая.

Ра́дуйся, преподо́бным Серафи́мом вели́кою и свято́ю нарече́нная;

ра́дуйся, в по́двизех до́брых благослове́нная.

Ра́дуйся, стезе́ю пра́вую нам указа́ющая;

ра́дуйся, во обстоя́ниях тя зову́щих помога́ющая.

Ра́дуйся, о жителъству́ющих во оби́тели тво́ей, я́ко о ча́дех попече́тельнице;

ра́дуйся, оби́дящим их стро́гая наказате́льнице.

Ра́дуйся, преподо́бная ма́ти Алексáндро, первонача́льнице оби́тели Дивеевския.

### **Кондак 9**

А́нгелов ликостоя́ния дивя́тся тво́ему́ милосе́рдию, ка́ко ле́гкими стопа́ми селёние обходи́ла еси́ и, во смире́нии и́стиннем лю́дем по́мощь подава́ющи, о них усе́рдно Бо́гу моли́лася еси́; та́ко и нас научи́ милости твори́ти, воздви́гни от ле́ности и нераде́ния, да вси ра́достно поём Бо́гу: Аллилу́иа.

### **Икос 9**

Ветии́ многосло́внии не возмо́гут изрещи́ си́лу Бо́жию, в немо́щи телесе́ твоего́ явльшю́ся, егда́ в час отдохнове́ния от трудо́в и бде́ния, главу́ свою́ на ка́мень преклоня́ла еси́ и оде́ждею ве́тхою в зной и стужу́ тѣло покрыва́ла еси́; мы же, дивя́щесе́ сему́, вопие́м ти такова́я:

Ра́дуйся, всем призыва́ющим тебе́ ско́рая  
помощнице;

ра́дуйся, о лю́дех к тебе́ приходя́щих  
молитвеннице.

Ра́дуйся, в беда́х и го́рестех николи́же  
оставля́ющая;

ра́дуйся, к райским селе́нием призыва́ющая.

Ра́дуйся, кла́дязь целёбных воды́ ископа́вшая;

ра́дуйся, е́ще жива́ су́щи, дар  
чудодейственных по́моци стяжа́вшая.

Ра́дуйся, неизчерпа́емая глуби́но́ любви́ и  
милосе́рдия;

ра́дуйся, о́бразе вели́каго к Бо́гу усе́рдия.

Ра́дуйся, преподо́бная ма́ти Алекса́ндро,  
первонача́льнице оби́тели Диве́евския.

### **Кондак 10**

Спасти́ хотя́ всех притека́ющих во оби́тель  
Диве́евскую, о отше́ствии в вѣчныя оби́тели  
известі́ тя Госпо́дь, да попече́ние о се́стрех  
диве́евских преподо́бному Серафиму́  
запове́дуеши. И мы, недостойни́и, покрови́телей  
тако́вых на Небеси́ улучи́вше, благода́рственно  
воспева́ем Бо́гу: Аллилу́иа.

### **Икос 10**

Стена́ всем святы́м, Пресвята́я Де́ва, дивно́  
упра́ви отше́ствие твоё́ от жития́ сего́  
вре́меннаго: в схиму́ бо вели́кую облече́нная, ты

в час кончины Святых Христовых Таин приобщилася еси и душу святую в руке Божии предавши, ныне с лики жен преподобных зриши Пресвятую Троицу. Мы же, восхваляюще житие твое, глаголем ти сице:

Радуйся, сестрам Дивеевским преподобного Серафима во отца испросившая;

радуйся, светило земли Русския в нем прозревшая.

Радуйся, чудесную помощь и по успении твоём просящим подающая;

радуйся, у Престола Божия нас поминающая.

Радуйся, о воинех, на полях брани живот свой полагающих, Бога умоляющая;

радуйся, рыдания матерей о чадах утешающая.

Радуйся, плачущих и скорбящих утешительнице;

радуйся, о роде христианством пред Богом представительнице.

Радуйся, преподобная мати Александро, первоначальнице обители Дивеевския.

### **Кондак 11**

Пение вознося всем святым, в земли Русстей просиявшим, страстотерпец царь Николаи ревноваше о прославлении твоём, мати Александро, но прежде сам венцем мученическим увенчася. Мы же, зряще дивное

исполнение чаяния его, умильно вопиём Богу:  
Аллилуиа.

### **Икос 11**

Светоподательная луча, ко Христу  
устремлённая, явися житие твоё, и множество  
инок ко Обителем Горним ты привела еси, и вси  
чающие благодатныя помощи твоея с любовью  
глаголют тако:

Радуйся, от земли человеки возвышающая;  
радуйся, кротости и незлобию научающая.

Радуйся, из волн житейских утопающих  
изымающая;

радуйся, свеще, ночь грехов разгоняющая.

Радуйся, монашествующих укрепление;

радуйся, слез горьких осушение.

Радуйся, источник целёбныя воды подающая;

радуйся, больныя и недужныя исцеляющая.

Радуйся, преподобная мати Александро,  
первоначальнице обители Дивеевския.

### **Кондак 12**

Благодать и милость изливаеши, преподобная  
мати наша Александро, на всех к тебе  
приходящих и к мощем твоим припадающих, и  
прошение нам у Господа просящи, научаеши  
нас пети Ему: Аллилуиа.

## Икос 12

Пою́ще тебе́, ма́ти преподо́бная, восхваля́ем  
чудеса́ и ми́лости Бо́жия, явле́нныя ро́ду  
челове́ческому святы́ми Его́ уго́дники, и  
притека́юще во святу́ю оби́тель твою́,  
благодарно́ взыва́ем ти тако́вая:

Ра́дуйся, ка́меню драги́й, Христо́ву Це́рковь  
украша́яй;

ра́дуйся, оби́тель Дивеевскую́ от бед  
огражда́ющая.

Ра́дуйся, святу́ю во́лю Пречи́стыя Богоро́дицы  
исполни́вшая;

ра́дуйся, дар слез благода́тных стяжа́вшая.

Ра́дуйся, я́ко смире́ние твоё́ бысть  
неисповеди́мо;

ра́дуйся, я́ко любу́ ты́я бысть ко всем  
нелицемерна́.

Ра́дуйся, ко христиа́нскому жити́ю  
наставля́ющая;

ра́дуйся, с ве́рою к тебе́ притека́ющим  
помога́ющая.

Ра́дуйся, преподо́бная ма́ти Алексáндро,  
первонача́льнице оби́тели Дивеевския́.

## Кондак 13

О́, предивная уго́днице Бо́жия, преблаже́нная  
ма́ти на́ша Алексáндро! Приими́ сие́ ма́лое тебе́  
возноси́мое молéние на́ше и не отступи́ от нас  
молит́вами твои́ми, но, я́ко иму́щи дерзнове́ние

у Христа́ Бо́га на́шего, испроси́ нам ми́лости и прощѣ́ния в день су́дный, да, проше́дше путь земна́го страна́вья, невозбра́нно дости́гнем поко́я Ца́рствья Небе́снаго и со все́ми свята́ми воспо́ем Бо́гу: Аллилу́иа. (Трижды)

### **Молитва**

О́, свята́я уго́днице Бо́жия, преподо́бная ма́ти на́ша Алекса́ндро! Приими́ усер́дныя моли́твы на́ша, с ве́рою и любви́ю к тебе́ возно́симыя, и помози́ нам христиа́нския добродѣ́тели стяжа́ти, ве́ру крѣ́пкую и любви́ю к Бо́гу и к бли́жним имети́, крест скорбе́й и боле́зней в терпе́нии носі́ти. О́, госпоже́ на́ша и ма́ти! Прости́, благослови́, помолі́ся за нас, да и мы прощѣ́ни бу́дем, и помяни́ нас у Престо́ла Бо́жия, да, твои́ми моли́твами спаса́еми в ны́нешнем ве́це и в бу́дущем, сподо́бимся хвалі́ти и воспева́ти Всесвято́е И́мя Отца́ и Сы́на и Свята́го Ду́ха во ве́ки веко́в. Ами́нь.



**ПОЛНЫЙ  
АКАФИСТНИК  
КАНОНИЧЕСКИЙ**

**АКАФИСТЫ  
КО ГОСПОДУ БОГУ  
ПРЕСВЯТОЙ  
БОГОРОДИЦЕ  
АРХАНГЕЛАМ  
И АНГЕЛАМ**

**І**

**НУЖЕ  
НЕБО**